



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Samaritanæ salutis fontes aperit. 26

urn:nbn:de:hbz:466:1-38349

*Duo debitores evant
quidam fœnerato-
ri &c.*

*Fides tua te salvam
fecit, vade in pace.*

*Aristippus excusa-
tus olim se quod
nimis se dimitteret
Dionysio, respondit
culpam esse Diony-
si, qui haberet aures
in pedibus.*

Exemplum quod improbasset,
Sibi ad imitationem propositum, non ad censuram.

In pace dimittitur,

Quæ se ipsa triumphata

Jam non haberet hostem quem vinceret.

Auditi à Christo qui vis,

Quo cum situ alloquaris, attende.

Haber & ille aures in pedibus.

Cælestis creditor totum debitum charitate com-
pensat,

Et ad incrementum totius fœnoris,

Amoris solius exigit, & requirit usuram.

ELOGIUM XXVI.
SAMARITANÆ SALUTIS FON-
TES APERIT.

Joan. cap. 4.

*Venatio Christi in
meridie usque adeo
laboriosa, qualis.*

*Id est à Judæis, ad
Samaritanos.*

*Fatigatus ex itinere
sedebat sic supra fon-
tem: erat autem
hora quasi sexta.*

*Dicturus enim illi
erat: quinque viros
habuisti, & nunc
quem habes, non est
tuus vir.*

*Mulier, da mihi bi-
bere, & non dixit de
aqua putei.*

*Quomodo, tu Judæus
cum sis, bibere à me
poscis, quia sum mu-
lier Samaritana.*

Venationem Hominum

Ut omnium laboriosissimam scites,

In ea ipsemet fatigatus est Deus.

A popularibus in Alienigenas migrans,

Quia Charitati suæ violentum erat hoc iter,

Ingentes in eo vires attrivit.

Ferenti semper secum ardores suos,

Hora omnis quasi sexta est, & meridies.

Alieno pudori magis consultum volens,

Quam famæ suæ,

Arcana Mulieri scelera detecturus,

Captata emendi tibi occasione,

Testes omnes amovit.

Sitis solatium non ab Hydria,

Sed ab anima haurientis expectans,

Rogat haustum aquæ,

Pro quo det fluvium Gratia.

Non impetrat tamen à fœmina,

Quæ in supplice suo

Originem magis, quam necessitatem attendit.

Miratur quod à Samarite petat Judæus;

Quanto mirari justius licuit, quod & Deus?

Excusat

Excusat ignorantiam,
 Qui potuisset Inurbanitatem arguere.
 Detegit quàm non sit indigus,
 Quam nec avarus aquarum;
 Sepultis in puteo,
 Suas per se salientes opponit,
 Et ex habendi facilitate, earum excitans fitim,
 An illa rogatura sit, vertit in dubium,
 Non item an ipse daturus.
 Cum muliere notæ intemperantiæ,
 Utpote, quæ quinque jam viros habuisset,
 Diuturna Christus colloquia,
 Quantumlibet de salute non miscet,
 Volentem nectere verba verbis,
 Ut sine nota possit audiri,
 Jubet virum vocare.
 Confessa se viduam,
 Celare studuit male nuptam.
 At suamet responsione convicta,
 Arguit ex Historiæ narratione Prophetam.
 Mavult alii eam laudem accedere.
 Quod divinare arcana potuerit,
 Quam eam ignominiam sibi,
 Quod nescient sua probra celare.
 Refugit illico à sui cognitione noxius animus,
 Transferendo quæstionem opitulatur pudori;
 Illi tamen adhuc inhaerent aculei salutares,
 Quos Hydria relicta fert secum.
 Telo suo lauciam sagax venator non deserit;
 Credi possit abeuntem sequutus,
 Adeo jam non est, ubi est.
 Attentio illi omnis ad concionem mulieris,
 Quæ pro uno viro,
 rotam jam ad illum Samariam convocat,
 Communes fastidit cibos qui proprios jam haberet,
 Coquis suis gulæ suæ genium proditurus,
 Compertum vult apud eos,
 Nunquam epulari se lautius,
 Quam cum peccata comederit.

*O mulier si scires do-
 num Dei, & quis est
 qui tibi dicit, &c.*

*Et dedisset tibi a-
 quam vivam. Et
 fiet in eo fons aquæ
 salientis in vitam æ-
 ternam.*

*Forſitan petiſſes ab
 eo, non item forſitan
 dedisset, ſed abſolutè,
 & dedisset tibi a-
 quam vivam.*

*Ab aqua digre-
 diebatur mulier ad
 alias celebres qua-
 ſtiones, quæ protra-
 here colloquium po-
 tuiffent.*

*Voca virum tuum,
 Virum non habeo.
 Bene dixiſti, quia non
 habeo virum, &c.*

*Domine, ut video,
 propheta es tu.*

*Patres noſtri in
 Monte hoc adorave-
 runt, & vos dicitis,
 &c.*

*Reliquit Hydriam
 ſuam mulier, & abiit
 in Civitatem.*

*Interea rogabant
 eum diſcipuli, Rabbi
 manduca, &c.*

*Exierunt de Civita-
 te, & veniebant ad
 eum.*

*Coqui Chriſti Apo-
 ſtoli ejus, qui etiam
 Sal diſci, tanquam
 Dei palato mundum
 cenari ſoli poſſent.*